

Il fatg il pli impurtant en connex cun la vaccinaziun cunter corona

En vista als mais d'atun e d'enviern cunvegni per tut las persunas sin il plazzal da sa laschar vaccinar cunter corona. Mo uschia vegnin nus tuts sauns tras la stagiun freida. Sa basond sin ils fecls d'infurmaziun da l'Uffizi federal da sanadad publica avain nus ramassà qua sutvart ina survista dals puncts il pli impurtants en connex cun la vaccinaziun per l'economia da construcziun.

- Vos protegis Vossa atgna sanadad e la sanadad da l'entira equipa dal plazzal.
- Vos pussibilitais in manaschi efficaci sin il plazzal, perquai che pon vegnir reducidas las mesiras da protecciun mulestusas.
- Per vaccinar stuais Vos impunder fitg pauc temp. Vos duvrais entaifer quatter emnas dus termins da vaccinar che duran mintgamai mo 15 minutas. Er en nosa regiun datti numerusas pussaivladads da sa laschar vaccinar – era la fin d'emna.
- La vaccinaziun rinforza Vossas atgnas forzas defensivas. Ella gida Voss corp a cumbatter il virus. Il ristg da survegnir Covid-19 en cas d'ina infecziun è fitg pitschen.
- Cun As laschar vaccinar na survegnis Vos betg Covid-19. Ils vaccins na cuntegnan nagins virus da corona.
- Mintga vaccinaziun po avair effects secundars: il lieu da vaccinaziun sin il bratsch s'encotschnescha, fa mal u unfla /mal il chau / stancladad / mal ils muscels e las giugadiras / leva fevra. Per il pli èn ils effects secundars flaivels e tschessan svelts.
- La vaccinaziun As protegia almain 12 mais cunter la malsogna.
- Intginas persunas pon survegnir Covid-19 malgrà la vaccinaziun. Cun la vaccinaziun è la schanza da betg vegnir grev malsaun però bler pli gronda.
- I fa era senn d'As laschar vaccinar, sche Vos essas gia As infectà cun il coronavirus. En quel cas basta in singul termin da vaccinaziun. Uschia essas Vos protegì meglier ed a pli lunga vista.
- Sche Vos essas vaccinà cumplettaimain, pudais Vos ed autras persunas vaccinas cumplettaimain desister da tegnair distanza durant lavurs communablas ed inscunters privats.
- Sche Vos essas vaccinà dal tutfatg, avais Vos automaticamain il dretg d'in certificat da Covid ed avais uschia bler damain restricziuns per activitads durant il temp liber en Svizra e per viadis a l'exteriur.
- La vaccinaziun è per Vos gratuita. Ins na dovra nagina carta da la cassa da malsauns per sa laschar vaccinar gratuitamain en Svizra.